
 Saknr: 2020/41990-1
 Saksbehandlar: Eva Moberg, Roald Landøy

Saksgang

Utval	Utv.saknr.	Møtedato
Hovudutval for kultur, idrett og integrering		17.03.2020

Fordeling av tilskot til sikring og istandsetjing av verna fartøy 2020

Forslag til vedtak

1. Hovudutval for kultur, idrett og integrering fordeler tilskot til sikring og istandsetting av verna fartøy frå budsjettpost 400.650.09 slik:

<i>Fartøy</i>	<i>Søklar</i>	<i>Tildelt</i>
MS Axel	Odd Harald Turøy	100 000
Bjørn-West	Opsangervågen Veteranbåtlag	avslag
PF Dokken	Opsangervågen Veteranbåtlag	35 000
MY Faun	Stiftinga Hardanger og Voss Museum	50 000
MF Folgefonn I	Stiftinga Hardanger og Voss Museum	avslag
MS Gamle Nyborg	Fraktefartøyet M/S Gamle Nyborg	100 000
Lessing	Bergen Kommunale Kystkultursenter	50 000
MS Lindenes	Veteranbåtlaget MS Lindenes	100 000
SJ Mathilde	Stiftinga Hardanger og Voss Museum	120 000
MS Midthordland	Det Midthordlandske Dampskibsselskab AS	150 000
DS Oster	Nordhordland Veteranbåtlag	avslag
RS 4 Feie	Bergen Seilskøyteklubb	200 000
Sjødampsprøyte 1 (Bjørn)	Bergen Brandkorps Historielag	100 000
MK Sjøgutt	Terje Midtun	120 000
DS Stord I	Stiftelsen D/S Stord I	150 000
MS Tysnes	Geir Røssland	150 000
MY Tysso	Kraftmuseet - Norsk vasskraft- og industristadmuseum	40 000
MK Vaarsol	Opsangervågen Kystlag	100 000
MS Vestgar	Øygardsbåtane AS	50 000
MK Vikingen	Stiftinga Hardanger og Voss Museum	120 000
MS Vulcanus	Vulcanus Taubåtkompani	100 000
		1 835 000

2. Dersom nokre av tiltaka ikkje let seg gjennomføre i tråd med føresetnadene for tildelinga, gjev hovudutval for kultur, idrett og integrering administrasjonen høve til å omfordele midlane til andre av dei omsøkte tiltaka.

Samandrag

Saka gjeld fordeling av tilskot til sikring og istandsetjing av verna fartøy. Målgruppa er eigarar av fartøy som er freda eller har fått tildelt status som «verna fartøy» av Riksantikvaren. Gjennom såkalla SAVOS-tilskot tildeler Riksantikvaren statlege midlar til kommunar og fylkeskommunar som sjølv gjev midlar til fartøyvern, i tilhøvet ein til ein. I tillegg til dei regionale tilskota på kr 800 000, kjem altså ein tilsvarende sum frå Riksantikvaren. På toppen kjem inntrekte midlar frå fartøy i Hordaland på kr 235 000 som vert omdisponerte, slik at den samla summen til fordeling er kr 1 835 000.

I 2020 må tilskotsordningane for verneflåten i Vestland harmoniserast, då tidspunkt for tildeling av midlar til fartøy i Hordaland og Sogn og Fjordane har vore i utakt. Som ei overgangsordning i 2020 vert istandsetjingsmidlane for 2020 fordelt på verneflåten heimehøyrande i Hordaland, då fartøya i tidlegare Sogn og Fjordane fekk tildelt tilskot to gonger i 2019, med ei samla sum på kr 1 750 000. Fartøya heimehøyrande i Sogn og Fjordane får i tillegg midlar i 2020 frå Vestland fylkeskommune gjennom tilskotsordninga forvaltning og drift av verna fartøy, som vert handsama i eiga sak.

Per Morten Ekerhovd
fylkesdirektør

David J. Sandved
seksjonssjef

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Fartøy utgjer ein viktig del av den norske kulturarven, og Vestland er det fylket med flest freda og verneverdige fartøy i landet. Fartøyvern er eit fagområde der frivillige, lag og organisasjonar har teke på seg eit stort fagleg og økonomisk ansvar. Tilskotsordninga for sikring og istandsetjing av verna fartøy er eit bidrag frå det offentlege for å stø opp under dette arbeidet. Halvparten av midlane er løyvt av fylkeskommunen og resten av Riksantikvaren. Talet og storleiken på søknadene syner stor trong for sikring og istandsetjing av dei verna fartøya.

Generelt

Budsjett 2020	1 600 000
Søknadsfrist for tildeling	1. november 2019
Vedtaks kriteria	«Retningsliner og vilkår for tilskot frå statsbudsjettet kap. 1429 post 71-79» og «Reglement for økonomistyring i staten»
Informasjon om ordninga	Nettstad og utlysing i trykte media

Tal på søknader	21
Tal på søknader som er tilrådd tilskot	18
Samla søknadssum	6 856 453
Tilrådd til fordeling	1 835 000

Overordna kommentarar til innstillinga

Som kyst- og fjordfylke er Vestland naturleg rik på maritim historie. Å ta vare på eldre fartøy og båtar er ei viktig oppgåve, for å sikre dei flytande kulturminna som kjelder til kunnskap og oppleving. Fartøyvern er ein del av kulturminnevernet der frivillige, lag og organisasjonar har teke på seg stort fagleg og økonomisk ansvar. Vestland har i nasjonal samanheng utvikla ein sterk regional politikk for å stø opp under desse kreftene, og regionale midlar til vern av fartøy har vore prioritert på lik line med andre felt innan kulturminnevernet.

Gjennom såkalla SAVOS-tilskot tildeler Riksantikvaren statlege midlar til kommunar og fylkeskommunar som sjølv gjev midlar til fartøyvern, i tilhøvet éin til éin. I tillegg til dei regionale tilskota på kr 800 000, kjem altså ein tilsvarende sum frå Riksantikvaren. På toppen kjem inntrekte midlar frå fartøy i Hordaland på kr 235 000 som vert omdisponerte, slik at den samla summen til fordeling er kr 1 835 000.

Om lag halvparten av dei freda og verna fartøya i tidlegare Hordaland, har søkt om tilskot for i år, og den samla søknadssummen er nær fire gonger større enn midlane som er til fordeling. Fleire fartøy treng ei totalrestaurering, og kostnadene for desse er ofte fleire gongar høgre enn den samla summen som er til rådvelde i tilskotsordninga. I dei meir omfattande søknadene, er det difor berre rom for å tildele ein avgrensa del av den omsøkte summen, eventuelt midlar til å sikre fartøyet medan det ventar på at tilhøva ligg til rette for å starte opp ei større istandsetjing. Generelt vert det prioritert å føre vidare pågåande prosjekt. Godt dokumenterte søknader og høg eigeninnsats er andre tilhøve som tel positivt, likeins at fartøya er tilgjengelege for ålmenta. På bakgrunn av desse kriteria er fylgjande fartøy prioritert høgast i 2020: RS4 Feie, MS Midthordland, DS Stord I og MS Tysnes.

I tillegg til den fylkeskommunale tilskotsordninga fordeler både Riksantikvaren og Kulturminnefondet statlege midlar direkte til istandsetjing av fartøy.

Nokre særlege omsyn gjer seg gjeldande i fartøyvernet. Ved utbetring og vedlikehald er verftstilgang eit knappheitsgode, både i høve tid for slippsetting, arbeidskapasitet og kompetanse. Det vert då særleg viktig å leggje til rette for at arbeidet kan gjerast når det er naudsynt, praktisk mogeleg og verfta har ledig kapasitet. Difor kan det unntaksvis forsvarast å dekke tiltak som er gjennomførte før tilskotshandsaminga. Tilskotsmidlane er òg med å halda ved like viktige, men små kunnskapsmiljø innan tradisjonshandverk.

Harmonisering av tilskotsordningane

I 2020 må tilskotsordningane for verneflåten i Vestland harmoniserast, då tidspunkt for tildeling av midlar til fartøy i Hordaland og Sogn og Fjordane har vore i utakt. Som ei overgangsordning i 2020 vert istandsetjingsmidlane for 2020 fordelt på verneflåten heimehøyrande i Hordaland, då fartøya i

tidlegare Sogn og Fjordane fekk tildelt tilskot to gonger i 2019, med ei samla sum på kr 1 750 000. Sogn og Fjordane fylkeskommune vedtok fylgjande fordeling av tilskot til verneflåten i 2019:

<i>Fartøy</i>	<i>Tildeling mai 2019 (HNK sak 48/19)</i>	<i>Tildeling desember 2019 (FT sak 49/19)</i>
SS Svanhild LIPQ	150 000	150 000
MS Atløy LNFD	100 000	150 000
MS Haugefisk LGNG	200 000	150 000
DS Stavenes LEMA	100 000	150 000
MF Hardingen SR LGED	150 000	
MS Nybakk JXPH	50 000	250 000
Gamle Solundir LEVG		50 000
Stangfjord LDYJ		100 000
Samla tildeling 2019	750 000	1 000 000

Fartøya heimehøyrande i Sogn og Fjordane får i tillegg midlar i 2020 frå Vestland fylkeskommune gjennom tilskotsordninga forvaltning og drift av verna fartøy, som vert handsama i eiga sak.

Vedtakskompetanse

Hovudutval for kultur, idrett og integrering

Vurderingar og verknader

Økonomi: Tildelinga er i samsvar med budsjett. Det er stadfesta at Riksantikvaren tildeler midlar over SAVOS-ordninga.

Klima: Fylkesrådmannen kan ikkje sjå at saka har relevans for t.d. klimaavtrykk.

Folkehelse: Regional plan for folkehelse 2014 - 2025 - fleire gode leveår for alle: Kulturopplevingar har positiv verknad på folkehelsa, og det er brei interesse og stor oppslutning rundt mange av fartøya.

Regional planstrategi: Tilskotsordningane er sentrale verkemiddel for å følgje opp viktige satsingar i Regional kulturplan 2015-2025 PREMISS: KULTUR og *Kultur for alle* Regional plan for kultur i Sogn og Fjordane, 2019-2027.

Konklusjon

1. Hovudutval for kultur, idrett og integrering fordeler tilskot til forvaltning og drift av verna fartøy frå budsjettpost 400.650.09 slik:

Fartøy	Søklar	Tildelt
MS Axel	Odd Harald Turøy	100 000
Bjørn-West	Opsangervågen Veteranbåtlag	avslag
PF Dokken	Opsangervågen Veteranbåtlag	35 000
MY Faun	Stiftinga Hardanger og Voss Museum	50 000
MF Folgefonn I	Stiftinga Hardanger og Voss Museum	avslag
MS Gamle Nyborg	Fraktefartøyet M/S Gamle Nyborg	100 000
Lessing	Bergen Kommunale Kystkultursenter	50 000
MS Lindenes	Veteranbåtlaget MS Lindenes	100 000
SJ Mathilde	Stiftinga Hardanger og Voss Museum	120 000
MS Midthordland	Det Midthordlandske Dampskibsselskab AS	150 000
DS Oster	Nordhordland Veteranbåtlag	avslag
RS 4 Feie	Bergen Seilskøyteklubb	200 000
Sjødampsprøyte 1 (Bjørn)	Bergen Brandkorps Historielag	100 000
MK Sjøgutt	Terje Midtun	120 000
DS Stord I	Stiftelsen D/S Stord I	150 000
MS Tysnes	Geir Røssland	150 000
MY Tysso	Kraftmuseet - Norsk vasskraft- og industristadmuseum	40 000

MK Vaarsol	Opsangervågen Kystlag	100 000
MS Vestgar	Øygardsbåtane AS	50 000
MK Vikingen	Stiftinga Hardanger og Voss Museum	120 000
MS Vulcanus	Vulcanus Taubåtkompani	100 000
		1 835 000

2.

Dersom nokre av tiltaka ikkje let seg gjennomføre i tråd med føresetnadene for tildelinga, gjev hovudutval for kultur, idrett og integrering administrasjonen høve til å omfordele midlane til andre av dei omsøkte tiltaka.